

欲陳法會家中長切盡須同心去其酒肉五
辛等物施主每日隨僧禮佛陳吐懺悔第二
當齋僧次躬須給侍不得坐於僧上稱是主
人放縱談笑第三佛前供養須倍於僧凡聖
等心事事精細第四盡其所惜施佛及僧勿
得隱細用麤世世招失意果報第五道場緩
急不得使僧比是福田翻為僮僕豈得然乎
我今此說智者知之有愚者為擅越之家嫌
難遵奉門僧無識見有揀衆之言恐為所鄙
不能盡行吾知此文將被燒滅願

卷六

十七

十方三寶及有識者同力護持

熾盛光道場念誦儀

釋迦如來涅槃禮讚文序

宋 霅谿 沙門 仁岳 撰

儒家流有終身之憂者考妣遠日之謂也釋
氏子豈不然乎彼所以思生我劬勞之親此
所以懷度我慈悲之父其德同極其孝攸同

觀夫叔世出家之徒具沙門之形稟釋迦之
姓至佛涅槃日不能齋莊致禮者衆矣予竊
傷之嘗讀涅槃後分如來滅後梵釋天衆大
龜氏等莫不皆以偈頌爲之哀歎又僧祇律
今涅槃日稱揚佛德於是追述化迹輒成讚

辭凡十四章章八句初十章讚佛次一章讚
法後三章讚僧其諸方軌亦備行用所冀吾
衆於二月十五日嚴事經像精設供養命聲
德者唱之以展必哀之誠矣昔孤山中庸子
有涅槃八德讚蓋倣於傳徽白衣觀音禮而

作也以爲吳蜀音韻碩異故江浙間多不行
焉今擬天竺法師讚智者文撰之非苟好異
務在生善知我者且無以色聲求佛邪道爲
讓哉

釋迦如來涅槃禮讚文

補六

十八

初入道場普礼三拜
焚香互跪首者唱云

恭以能仁應世寂默證真廓千界以居尊撫
四生而爲子形隨物現元同非相之身教逐
機興詎異無言之道爰自法輪載轉化迹彌

隆半字初談譬擊蒙而靡倦百金後寄猶贖
 命以惟勤晉令煩惱之儔安住如來之藏四
 心告滿三德云歸所謂不令一人獨得滅度
 皆以如來滅度而滅度之是故入于涅槃不
 可得而思議我等鶴林既遠痛失於前緣像
 法猶存忝遵於遺訓今值中春之日緬懷北
 首之儀澗藻谿蘋聊展薦羞之禮已歛俚詠
 少陳哀歎之誠惟願洪慈俯迴昭鑒

晨朝必須致請餘時
 存略請者一位三唱

至此總
 禮一拜

一心奉請涅槃教主堪忍世尊釋迦文佛

惟願降臨道場受我供養
 一心奉請涅槃會上所說法門修多羅藏

惟願降臨道場受我供養

一心奉請涅槃會上所集聖賢菩薩僧眾

惟願降臨道場受我供養

結六

十九

一心奉請涅槃會上所集聖賢緣覺僧眾

惟願降臨道場受我供養

一心奉請涅槃會上所集聖賢聲聞僧眾

惟願降臨道場受我供養

數佛偈依經中迦葉菩薩所
 說歎後宣說或隨意陳白

憐憫世間大醫王 身及智慧俱寂靜
無我法中有真我 是我頂禮無上尊

向下一體讚凡唱一身至釋迦字和之禮畢起立唱讚

一心頂禮涅槃教主堪忍世尊現聲光集衆
時身釋迦文佛

古河堅樹生初日 靈耀仙音徧十方
為召群生問後疑 示言大覺歸元寂
世界寶嚴如樂土 人身血現似奢華
天供雲臻但默然 一時稽首懷憂惱
故我一心歸命頂禮

一心頂禮涅槃教主堪忍世尊受純陀施食
時身釋迦文佛

如來久證遮那體 權現臨終應供儀
能與毛端變化身 受茲華氏秬糧食
六塵雖謂空無相 五果當知結有緣

我今追遠奉榮盛 願證真常回妙義

故我一心歸命頂禮

一心頂禮涅槃教主堪忍世尊卧寶牀現病
時身釋迦文佛

付囑文殊傳正法 俄然背疾示衆生

曲肱右脅類嬰兒 收視無言如病者
鄭重任聽迦葉問 從容猶待世王來
再起流光燭大千 滿中群苦皆渭蕩

故我一心歸命頂禮

一心頂禮涅槃教主堪忍世尊入月愛三昧

時身釋迦文佛

輔六

二十

大悲俯念阿闍世 隨順耆婆發善心
魔座重舒月愛光 袈衣頓覺身瘡愈
歸佛始知邪道誤 聞經方了逆緣空
伊蘭叢裏出梅檀 奇哉取譬無根信

故我一心歸命頂禮

一心頂禮涅槃教主堪忍世尊示人天相好
時身釋迦文佛

手祛法服舒身相 昇降虛空四六迴

欲入泥洹寂靜門 今觀紫磨莊嚴聚

康軀曷報修因德 塵劫難逢出世緣

遺教殷勤囑未來 歸依三寶皆當受

故我一心歸命頂禮

一心頂禮涅槃教主堪忍世尊觀世間寂定
時身釋迦文佛

應物已曾開秘藏 還源相次近中宵
又放光明號涅槃 徧遊禪定咸超越
種智莫非觀實相 有情寧免見無常
薪盡臨當火滅時 阿難於是心迷亂

故我一心歸命頂禮

第六

廿一

一心頂禮涅槃教主堪忍世尊入四禪滅度
時身釋迦文佛

重入四禪休顧命 便於三昧示云亡
雙林變鶴覆金棺 大地如雷震沙界
釋梵累陳哀歎偈 魔邪聊解戰爭憂

慧日慈光罷照臨 無明長夜何當曉

故我一心歸命頂禮

一心頂禮涅槃教主堪忍世尊入金棺白毘
時身釋迦文佛

國人相問茶毗法 天帝親傳囑累言

俾順輪王所化儀 令生梵衆無疆梠
細毘千重周聖體 寶棺七帟繞仙城
再以香泉灌沐時 咸覩妙嚴身不壞

故我一心歸命頂禮

一心頂禮涅槃教主堪忍世尊示飲光在柩

時身釋迦文佛

尊者欽光居鷲嶺 出禪知佛已歸真
 遙望拘尸徒步來 正值闍維襄事日
 柩中先現身金色 拜次仍迴足輻輪
 最後能隨哀慕心 是為平等慈悲相

故我一心歸命頂禮

一心頂禮涅槃教主堪忍世尊入香樓火化
 時身釋迦文佛

卽字胷中流聖火 衆香樓上燭真軀
 玉相金姿竟不存 霜綿素氎還如故

永樂北藏

釋迦如來涅槃禮贊文

舍利晶瑩分國土 塔婆高顯示人天
 我等慚生像法餘 空讚當時遺化事

故我一心歸命頂禮

一心頂禮涅槃會上所說法門修多羅藏
 始為純陀敷妙義 終因須跋演微言

補六

廿二

力扶毗奈破權疑 能使闍提生實信
 飲用醍醐勝衆味 浴臨渤海足群流
 我願聞持盡後身 圓伊滿宇常修學

故我一心歸命頂禮

一心頂禮涅槃會上所集聖賢菩薩僧衆

第一五三冊

爰求無上菩提道 徧集微塵薩埵因
不於三界現諸心 等視衆生如一子
引導大乘今發趣 提携弱衆使知歸
人中自在盡猶龍 乘時利見難思議

故我一心歸命頂禮

一心頂禮涅槃會上所集聖賢緣覺僧衆
因緣深入輪迴境 觀照優遊解脫門
福智曾經累劫修 神通能起無方用
已捨鹿車行直道 不同犀角守孤峯
來會娑羅雙樹間 猶如鏡像隨形現

故我一心歸命頂禮

一心頂禮涅槃會上所集聖賢聲聞僧衆
調伏諸根皆寂靜 受持遺教悉流通
既於朽宅免焚燒 不向春池收瓦礫
四果並堪爲佛子 三修俱得會經王

請大

廿三

常與無常畢竟同 是謂莊嚴雙樹者

故我一心歸命頂禮

禮讚已復跪兼爐如
常運想披陳五悔

至心懺悔我及十方世界一切衆生惟自心
清淨之元具種智妙明之性千如未昧本絕

於聖凡六妄成因遂流於生死由是眉珠頓
失眼膜重增不逢明鏡之醫罔會金錚之治
何緣宿植生處人倫值釋迦法中預比丘僧
數但以律儀匪慎道品難成一乘了義之談
未開實慧七聚防非之制多犯深墜畜不淨
以資身順無明而爲行浮囊有缺誠懷溺海
之憂華屋空存寧受入門之賜今則眇觀泥
越躬事懺摩既發露於罪根乃淨除於業障
佛慈普覆法力潛通故我歸依必垂護念

懺悔已至心歸命三寶

至心勸請

十方諸佛同常寂 各爲衆生出世間
既成道果已降魔 勸轉法輪當度物
優曇瑞萼良難見 師子雄音豈易聞
乃至隨機現滅時 請以洪慈延劫壽

至心隨喜

勸請已至心歸命三寶

圓通已是開方便 五行無非會一乘
去來今世有修行 身語意業皆隨喜
黃葉謂金因亦善 聚沙爲塔道猶成

一切曾生嫉恚心 故茲悔過咸稱讚

隨喜已至心歸命三寶

至心迴向

疇昔與今諸福業 總將空慧悉融通

所作皆成四德因 不為再求三有果

補六

庶彙若非同解脫 我心終未取菩提

廿四

萬水唯朝大海宗 其猶迴向無差別

迴向已至心歸命三寶

至心發願

誓向此身修般若 常觀我佛住泥洹

不離因緣所起心 即見空中無相體

若効雪山書樹石 或於田里舉荅蹄

普願猶如妙吉祥 俱時明了如來性

發願已至心歸命三寶

右旋道場誦遺教經
稱揚佛號盡誠而退

釋迦如來涅槃禮讚文